

საჯარო სამართლის იურიდიული პირი _

ბათუმის შოთა რუსთაველის სახელმწიფო უნივერსიტეტი

ბრძანება N 01-02/45

ქ. ბათუმი

19 მარტი, 2021 წ.

ბსუ-ს პროფესიული პროგრამების მართვისა და უწყვეტი განათლების ცენტრის უწყვეტი განათლების მიმართულებით მოკლევადიანი საგანმანათლებლო პროგრამის „საოფისე აპარატული და პროგრამული უზრუნველყოფა“ მსმენელთან გასაფორმებელი ხელშეკრულების ფორმის დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის, საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის წესდების მე-13 მუხლის, „ბსუ-ს პროფესიული პროგრამების მართვისა და უწყვეტი განათლების ცენტრის დებულების დამტკიცების თაობაზე“ ბსუ-ს წარმომადგენლობითი საბჭოს 2018 წლის 05 ოქტომბრის №02 გადაწყვეტილების, „პროფესიული პროგრამების მართვისა და უწყვეტი განათლების ცენტრის უწყვეტი განათლების მიმართულების საკოორდინაციო საბჭოს შემადგენლობის დამტკიცების შესახებ“ ბსუ-ს რექტორის 2018 წლის 19 ოქტომბრის № 01-08/137 ბრძანების, ამავე ცენტრის საკოორდინაციო საბჭოს 2021 წლის 5 მარტის სხდომის №20-19/03 ოქმის, ბსუ-ს პროფესიული პროგრამების მართვისა და უწყვეტი განათლების ცენტრის მოკლევადიანი საგანმანათლებლო პროგრამის „საოფისე აპარატული და პროგრამული უზრუნველყოფა“ დამტკიცების შესახებ“ ბსუ-ს რექტორის 2021 წლის 10 მარტის N01-02/40 ბრძანების, ა (ა) იპ ბათუმის ბალების გაერთიანებასა და ბსუ-შორის დადებული ხელშეკრულების (N02, 16.03.2021), პროფესიული პროგრამების მართვისა და უწყვეტი განათლების ცენტრის დირექტორის 2021 წლის 19 მარტის № 253519 სამსახურებრივი ბარათის საფუძველზე

ვბრძანებ:

- დამტკიცდეს ბსუ-ს პროფესიული პროგრამების მართვისა და უწყვეტი განათლების ცენტრის უწყვეტი განათლების მიმართულებით მოკლევადიანი საგანმანათლებლო პროგრამის „საოფისე აპარატული და პროგრამული უზრუნველყოფა“ მსმენელთან გასაფორმებელი ხელშეკრულების თანდართული ფორმა N1 დანართის შესაბამისად.
- ბსუ-ს პროფესიული პროგრამების მართვისა და უწყვეტი განათლების ცენტრის პედაგოგთა გადამზადებისა და სკოლამდელი აღზრდის მიმართულების კოორდინატორმა უზრუნველყოს „საოფისე აპარატული და პროგრამული უზრუნველყოფის“ პროგრამაზე ჩარიცხვის მსურველებთან ხელშეკრულებების გაფორმება და მათი ჩარიცხვის შესახებ ბსუ-ს რექტორის ბრძანების გამოცემის მიზნით შესაბამისი სამსახურებრივი ბარათის წარმოდგენა.
- დაევალოს პროფესიული პროგრამების მართვისა და უწყვეტი განათლების ცენტრის ბრძანება განათავსოს ბსუ-ს ვებგვერდზე (ველში „რექტორის ბრძანებები“ და საუნივერსიტეტო ნორმატიულ აქტებში).

4. ბრძანება შეიძლება გასაჩივრდეს ბათუმის საქალაქო სასამართლოში (ქ. ბათუმი,
ზუბალაშვილის ქ. № 30.) მისი გამოცემის დღიდან ერთი თვის ვადაში.
5. ბრძანება ძალაშია ხელმოწერისთანავე.

რექტორი, ასოცირებული პროფესორი



მ. ხალვაში

„ბსუ-ს პროფესიული პროგრამების მართვისა და უწყვეტი განათლების ცენტრის
უწყვეტი განათლების მიმართულებით მოკლევადიანი საგანმანათლებლო პროგრამის
„საოფისე აპარატული და პროგრამული უზრუნველყოფა“
მსმენელთან გასაფორმებელი ხელშეკრულების ფორმის დამტკიცების შესახებ“
ბსუ-ს რექტორის 2021 წლის 19 მარტის № 01-02/45 ბრძანების

დანართი №1

ხელშეკრულება №

ქ. ბათუმი

„ „ „, წელი

ერთი მხრივ საჯარო სამართლის იურიდიული პირი - ბათუმის შოთა რუსთაველის
სახელმწიფო უნივერსიტეტი (შემდგომში - „ბსუ“), წარმოდგენილი მისი რექტორის მიერ
და მეორე მხრივ ----- (შემდეგში „მსმენელი“)

ვთანხმდებით შემდეგზე:

1. ხელშეკრულების საგანია მსმენელის მიერ ბსუ-ს პროფესიული პროგრამების მართვისა
და უწყვეტი განათლების ცენტრის უწყვეტი განათლების მიმართულებით მოკლევადიანი
საგანმანათლებლო პროგრამის „საოფისე აპარატული და პროგრამული უზრუნველყოფა“
(შემდგომში - „პროგრამა“) გავლა.
2. პროგრამაზე სწავლის საფასური შეადგენს 1750 ლარს ერთ სატრენინგო ჯგუფზე (15
მსმენელი ჯგუფში, ტრენერის საკონტაქტო საათი ჯგუფთან - 35 საათი).
3. მსმენელის სწავლის საფასურის გადამზდელია ა(ა)იპ - ბათუმის ბაღების გაერთიანება,
თანახმად ა(ა)იპ „ბათუმის საბავშვო ბაღების გაერთიანება“ და ბსუ-ს შორის 2021 წლის
16 მარტს გაფორმებული N02 ხელშეკრულებისა.
4. მსმენელი ვალდებულია შეასრულოს ბსუ-ს შინაგანაწესით, ეთიკის კოდექსით,
უწყვეტი განათლების ცენტრის დებულებით და შესაბამისი პროგრამით
გათვალისწინებული მოთხოვნები სასწავლო პროცესთან და წინამდებარე
ხელშეკრულების შესრულებასთან დაკავშირებით.
5. ბსუ ვალდებულია შეუქმნას მსმენელს პროგრამის გავლისათვის შესაბამისი პირობები
(ტრენერი მიხეილ დონაძე; სასწავლო პროცესი წარიმართება 2021 წლის 20 მარტიდან,
შემდეგ მისამართზე: ქ. ბათუმი, ლეონიძის ქუჩა N 15, აუდიტორია №204).
6. ბსუ უფლებამოსილია მსმენელის მიერ ხელშეკრულების მოთხოვნების დარღვევის,
50%-ზე მეტი ოდენობით მეცადინეობაზე გამოუცხადებლობის ან/და სწავლის საფასურის
გადაუხდელობის შემთხვევაში, ამორიცხოს იგი მსმენელთა სიიდან, გადახდილი
სწავლის საფასურის დაბრუნების გარეშე.

„მხარეთა ხელმოწერები“

„ბსუ”

საჯარო სამართლის იურიდიული პირი
- ბათუმის შოთა რუსთაველის
სახელმწიფო უნივერსიტეტი

ქ. ბათუმი, ნინოშვილის/რუსთაველის ქ.
№35/32

(რექტორის ხელმოწერა)

„მსმენელი”

სახელი, გვარი _____
პირადი № _____
ფაქტობრ. მისამთ. _____
რეგისტრ.მისამ. _____
ტელეფონი _____
ელ. ფოსტა _____

მსმენელის ხელმოწერა _____